

SADRŽAJ

Službeni glasnik općine Sanski Most
Broj: 02/20 Godina XX 27. mart 2020. god.

Odluka o usvajanju Programa I utroška sredstava za "Podrška poljoprivredi po projektima i programu", utvrđenim Budžetom općine Sanski Most za 2020.godinu 2

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08,5/09, 2/10 i 9/11) i člana 3. Odluke Budžeta općine Sanski Most za 2019. godinu REBALANS , ("Službeni glasnik općine Sanski Most", broj: 11/19, 2/20), Općinsko vijeće općine Sanski Most na I vanrednoj telefonskoj sjednici održanoj 27.03.2020.godine donosi:

ODLUKU
o usvajanju Programa I utroška sredstava za
«Podrška poljoprivredi po projektima i programu»
utvrđenim Budžetom općine Sanski Most za 2020.godinu

član 1.

Usvaja se Program I utroška sredstava «Podrška poljoprivredi po projektima i programu » utvrđen Budžetom općine Sanski Most za 2020. godinu (u daljem tekstu Program I).

Sredstva za realizaciju Programa I iz stava 1. ove tačke isplatiti će se sa pozicije E.kod_614517 «Podrška poljoprivredi po projektima i programu », utvrđen Budžetom općine Sanski Most za 2020.godinu, ("Službeni glasnik općine Sanski Most", broj: 5/19) u iznosu od 100.000,00 KM (u daljem tekstu Budžet).

član 2.

Program I iz člana 1. sastavni je dio ove Odluke.

član 3.

Sredstva iz člana 1. ove Odluke isplatit će se sa Budžeta općine Sanski Most, pozicija «Podrška poljoprivredi po projektima i programu».

Služba za razvoj, poduzetništvo i resurse i Komisija za donošenje prijedloga Programa podsticajnih mjera u poljoprivredi na području općine Sanski Most, nadležni za njeno sprovođenje će Programom raspoređena sredstava doznačiti njihovim korisnicima, koji su ih dužni koristiti u skladu sa Odlukom o izvršenju Budžeta općine Sanski Most.

član 4.

Za realizaciju i sprovođenje ove Odluke zadužuju se Komisija za donošenje prijedloga Programa podsticajnih mjera u poljoprivredi na području općine Sanski Most i njeno sprovođenje, Služba za razvoj, poduzetništvo i resurse , kao i Služba za finansije, trezor i zajedničko poslovanje, svako u okviru svojih nadležnosti.

član 5.

O utrošenim sredstvima iz člana 1. ove Odluke, Služba za finansije, trezor i zajedničke poslove će podnositi izvještaj Službi za razvoj, poduzetništvo i resurse .

član 6.

Ova Odluka stupa na snagu danom donošenja i bit će objavljena u «Službenom glasniku općine Sanski Most».

Broj:01-02-32/20
Datum: 27.03.2020.god.

Predsjedavajuća Općinskog vijeća

Miljević Desanka, s.r.

Program I novčanih podrški u poljoprivredi utvrđenih Budžetom općine Sanski Most za 2020.godinu

Ukupna vrijednost Programa I-100.000,00 KM

Namjena Programa - Podrška primarnoj poljoprivrednoj proizvodnji na području općine Sanski Most

Korisnici Programa - Sva lica koja dostave dokaz o kupovini sadnog materijala/grah i krompir/ i đubriva i izvrše sjetvu

Izvor sredstava - Budžet općine Sanski Most za 2020.godinu

Nosilac Programa - Služba za razvoj, poduzetništvo i resurse i Komisija za donošenje prijedloga Programa podsticajnih mjera u poljoprivredi na području općine Sanski Most

PLAN UTROŠKA SREDSTAVA ZA PODRŠKU POLJOPRIVREDI NA PODRUČJU OPĆINE SANSKI MOST

I UVOD

Prilikom izrade Programa novčanih podrški u poljoprivredi za 2020.godinu prvenstveno se vodilo računa o odredbama Zakona o poljoprivredi ("Sl. novine FBiH", br: 88/07, 04/10, 27/12 i 7/13), te vanrednoj situaciji, pandemija COVID-19, te Statutom općine Sanski Most.

CILJ PROGRAMA

S obzirom na trenutnu vanrednu situaciju kako na području naše općine, tako i države u cjelini, a tiče se pandemije COVID-19, čiji ishod je neizvjestan, a što će svakako rezultirati poremećajima na tržištu, ovim Programom želimo podstaći povećanje poljoprivredne proizvodnje na našem području te povećati obim korištenja poljoprivrednog zemljišta i na taj način osigurati stabilan poljoprivredni dohodak odnosno stabilan životni standard svih građana naše Općine.

U izradi navedenog Programa I za 2020.godinu vodilo se računa da se u skladu sa mogućnostima i resursima kojima raspolažemo na području naše Općine, omogućiti svim građanima koji izraze želju da zasiju poljoprivredne površine od najmanje 0,03 ha - 0,2 ha, poljoprivrednim kulturama grah i krompir, obezbjedi novčana podrška. Pored sjemenskog materijala troškovi refundacije će uključivati i troškove mineralnog đubriva.

Na osnovu svih navedenih parametara u uvodu urađen je Program I utroška sredstava «Podrška poljoprivredi po projektima i programu» utvrđenih Budžetom općine Sanski Most za 2020.godinu»

II KRITERIJI ZA RASPODJELU SREDSTAVA

Odobrena finansijska sredstva iz Budžeta općine Sanski Most «Podrška poljoprivredi po projektima programu» će se stanovništvu općine Sanski Most raspoređivati prema utvrđenim kriterijima i to:

- Dokaz o mjestu prebivališta-kopija lične karte,
- Dokaz o izvršenoj kupovini sjemenskog materijala /fiskalni račun sa otpremnicom i deklaracijom/ izdat od 01.04.-01.06.2020.godine,
- Dokaz o izvršenoj kupovini mineralnog đubriva /fiskalni račun i otpremnica/,izdat od 01.04.-01.06.2020.godine,
- Kopija žiro računa,

Izvršenu sjetvu odnosno sadnju /grah i krompir/, za čiju refundaciju podnosi zahtjev-/utvrđuje Komisija na terenu, nakon sjetve/.

Zainteresovana lica su dužna podnijeti zahtjev i dostaviti gore navedene dokaze, u zgradu Općine - šalter br.8, u periodu od 01.04.2020.god, pa sve do utroška predviđenih sredstava, a najkasnije do 01.06.2020.godine.

Raspodjela sredstava:

Refundacija utrošenih sredstava će se vršiti u skladu sa procjenom Komisije za donošenje prijedloga Programa podsticajnih mjera u poljoprivredi na području općine Sanski Most, odnosno da jedan paket za sjetvu iznosi:

- krompir (sjeme + mineralno đubrivo NPK i KAN) sadrži 150 kg sjemena krompira, NPK 15/15/15 - 50kg i KAN - 25kg. za površinu od 0,1ha,
- graha (sjeme + mineralno đubrivo NPK i KAN) sadrži 25 kg sjemena graha, NPK 15/15/15 - 50kg i KAN - 25kg. za površinu od 0,1ha

Za manje ili veće zasijane površine, refundacija će se vršiti u skladu sa stvarno potrebnim sjemenskim materijalom i đubrivom za tačno određenu zasijanu površinu zemljišta.

Prije donošenja rješenja o priznanju prava na refundaciju planiranih sredstava, pored dostavljene kompletne dokumentacije prethodno utvrđene, Komisija za donošenje prijedloga Programa podsticajnih mjera u poljoprivredi na području općine Sanski Most će izvršiti obilazak zasijanih površina, zapisnički konstatovati stanje na terenu, te shodno tome odlučiti o refundaciji istog.

OPĆINSKI NAČELNIK
Hasanbegović Faris, prof.